

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяць
каждого 1-го и 15-го.

АДРЕС:
редакції и администрациї:
Užhorod, Duchnovičova č. 12.

ПРЕДПЛАТА:
на рок 12.— К
одно число 1.— К
За границу 20 .. К
До Америки..... 1 Д.

ОБЯВЛЕНИЯ
принимаются по цѣнѣ
за 1 сторону .. 200 К
за 1/2 сторону .. 120 К
за 1/4 сторону .. 65 К

Восточна и вселенска Церковь.

(Розмышеніе на праздникъ св. Николая).

Разъ — якъ говоритьъ одно руское преданіе — св. Николай и св. Кассіянъ на земли вандрующи утямили на дорозѣ селянина, кто страшно бѣдовавъ съ своими вольми, котрѣ не могли вытягнути изъ болота тяжко потерханый возъ.

— Идѣмъ — каже св. Николай — и поможѣмъ неборакови!

Я не иду — казавъ св. Кассіянъ — бо я запаскуджу, заваляю мою чисту, бѣлу одежду въ болотѣ.

— Но такъ ты иди дальше помало, я доти поможу сему бѣдному, пакъ тя догоню.

Такъ ся и стало. Св. Кассіянъ пошовъ собѣ дале, а св. Николай помогъ селянинови и вытягли возъ изъ болота.

Коли потомъ обое появилися въ небѣ, великое было удивленіе св. Петра видѣвшемъ св. Николая въ такомъ заболотяномъ убраню.

— Кто тебе такъ завалявъ? — звѣдае св. Петро.

Св. Николай розповѣвъ все, что и якъ ся стало.

— А ты, Кассіяне, чому не помогавъ есь тому бѣдному?

— Я прошу не хотѣвъ запаскудити свою „бѣлоснѣжну“ чисту одежду, и я правду сказати и не люблю замѣшоватися въ чужое дѣло — оправдався св. Кассіянъ.

— Такъ? — каже св. Петро. — Та абысте знали, что ты Николаю, понеже не лѣновався для добра твоего ближнього заваляти твою одежду, зато люде твой именный день два раза будуть святковати. А ты Кассіяне за что не спѣшивъ на помочь твоего ближнього, твоѣ имѧнины только каждого четвертого рока будуть праздновати.

Такъ ся и стало; въ календарѣ праздникъ св. Николая находится два разы (6-го дец. и 9-го мая), а св. Кассіяна припадає на 29-го фебруара, который день только каждого четвертого рока приходить.

По думцѣ известного россійского писателя: *Соловьева* сесѣ два мужи суть представителями вселенской (каѳол.) и восточной Церкви. Св. Николай есть представителемъ вселенской а св. Кассіянъ восточной Церкви. Но якъ онъ каже „Вселенска Церковь не убоялася ступити въ болото исторической жизни. За довгое время она взяла на себе всю заботу о воспитанію варварскихъ племенъ Европы; въ которой трудной работѣ не думала такъ на внѣшну свою чистоту, якъ на дѣйствительнѣ нужды человѣчества.“ И что Соловьевъ каже, то потвердить и всесвѣтна исторія. Она свѣдчить, что каѳол. Церковь была *матерію культуры* Европы. Больше якъ за 1000 роковъ единственно Церковь основала и поддерживала школы въ Европѣ; въ вестфалійскомъ договорѣ школа называється прямо: „*appenixim religiosis*“; и днесъ міссіонеры где церковь збудують, коло церкви заразъ повстает и христіянска школа. Римскѣ папы были основателями университетовъ; до реформаціи больше якъ 60 унив. были ними основанї. *Gregorovius* прот. историкъ пише, что „всѣ учрежденія, заведенія для благобытія человѣчества первоначально происходять изъ Рима“. Св. Францъ Салезій науку „осмою тайною“ называє. Римскѣ папы такѣ великѣ заслуги мають около поднесенія европейской культуры, что якъ оденъ протестантскій историкъ *Herder* каже: „Безъ римских папъ Европа бы и днесъ монголскою пустыною“. Каѳол. Церковь выбрала свою часть и изъ соціального вопроса свѣта. Она не только то проповѣдала: „Горѣ имѣемъ сердца“, но всегда заботлива была зтерти слезы, улучшити долю терплячого человѣчества. Лишь думайме на огромное число монахинь, котрѣ въ больницяхъ чудесно тяжкѣ працѣ кончатъ, чтобы утолити болѣзни страждающихъ людей. И огромное есть число тыхъ товариствъ соціальныхъ, котримъ задача полѣпшати туземное благорода людского. Воистину не есть территоріи людской суспольности, де каѳол. Церковь не стала бы съ наибольшою енергією въ работу для блага человѣчества. Всягды, де слово есть о работѣ культурной, де робити треба для поднесенія народа, тамъ въ найпершомъ рядѣ найдеме каѳолическу Церковь.

А восточной Церкви не е такъ? Мы не добераемся критизовать культурну дѣятельность Вост. Церкви, бо основна кри-

тика пожадає точне знання всіхъ обстоятельствъ и всѣ силы того общества. Мы только отзываемеся на тыхъ людей, котрѣ съ симъ вопросомъ довго и основно занималися. Такій е той высшепомянутый Соловьевъ. Онъ слѣдуючимъ тономъ говорить о семъ: „Восточна Церковь съ ей созерцательнымъ мистицизмомъ, съ ей удаленiemъ отъ политики и отъ всіхъ соціальнихъ задачъ интересовавшихъ цѣлое человѣчество, желала прежде всего — якъ св. Кассіанъ — явитися въ раѣ безъ найменшого болота на ризѣ. Тамъ на западѣ хотѣли употребляти всѣ силы Божіи и людскѣ на пользу всемірного дѣла; туй на Востоцѣ сохраняли только чистоту. Отъ головна рожниця меже обома церквами и глубока причина ихъ роздѣленія! Для восточного христіянского міра религія состояла въ личной побожности и молитва была призначена единственнымъ религіознымъ дѣломъ. Церковь западня окремъ сего требовала, чтобы житя религійное розвивалося и приносило плоды въ соціальнай дѣятельности на общое благо человѣчества. Восточный христіянинъ только молиться; западний молиться и *працує*. Котрый мае правду? Тадь Христосъ не пославъ своихъ апостоловъ въ пустыню и въ одиночество, але въ мірѣ и заповѣдавъ имъ мати не только чистоту голуба, но и мудрость змія (гада). У насъ на Востоцѣ есть Церковь молящася, но де у насъ Церковь дѣйствующа?“

Видъ яка есть культурна сила обоихъ Церквей. Животъ, енергія есть въ каөол. Церкви, постой и смертна тишина въ вост. Церкви. Зато той высшепомянутый Соловьевъ радить Восточной Церкви:

„Намъ нужно безусловно признати туту просту истину, что мы составляеме лишь *часть вселенской Церкви* и что слѣдовательно нужно намъ связати свої особеннѣ периферическѣ силы съ великимъ вселенскимъ центромъ помѣщеннымъ Провѣдѣніемъ на западъ. Сей актъ справедливости и любви бывъ бы огромнымъ прогресомъ для нась и необходимымъ условіемъ всякого дальнѣйшого поступа.“

Наша повинность же, котрѣ уже находимеся въ сей *живой* Церкви, укрѣпiti и углубити въ насъ вѣру въ правдивости ка . Церкви и не падати въ отчаяніе видячи сильнѣ змаганя пекельныхъ силъ знищити еї. Прийде часъ, коли и Востокъ ступить на путь „справедливости и любви“ и осуществляться слова Спасителя: „да квдуть кѣ єдино“ (Іо. 17, 21). (б)

ТРАКТИЧНИЙ КАТЕХИЗ

О силѣ знака св. Креста.

1. Чим из'являє виїшно христіанин вѣру свою?

Христіанин виїшно из'являє вѣру свою знаком святого Креста.

2. Что означает знак креста?

Знак креста означает вѣру нашу в святой Тройцъ и в откупленіе, совершенное Иисусом Христом на Крестѣ.

3. Коли маеме перекреститися?

По примѣру давних христіан часто маеме исповѣдати вѣру нашу знаком креста (перекреститися) особенно же рано коли встанеме, вечер, коли ляжеме спати, перед обѣдом и вечерею, по обѣдѣ и вечери, перед молитвою и по молитвѣ, перед каждым важным дѣлом и в искушеніях и опасностях.

1. Звычай перекреститися походить из найдавнѣйших часов христіанства. Вже Св. Ап. Павел пише, что он лишился „крестом“ Господа Спаса Иисуса Христа хоче хвалитися. Тертуліан писатель из II. столѣття пише, что першѣ христіане, коли щли або говорили, чоло свое освѣняли знаком креста. Св. Іоанн Златоустый воззывав матерей, обы научали дѣтей перекреститися, и додав, что доки дѣти не знают сами перекреститися, най сами матери роблять над ними знак креста.

В катакомбах вмѣсто креста уживали буквы Х. и Р. од слова Христос и съ буквы мальовали або вырѣзовали на стѣнѣ, або на камени; се робили ониproto, ибо погане прозывали первих христіанов „с crucicola“-ми (котрѣ умоляют крест) и любили обезчестити крест. Лиш од IV. и V. столѣття — то есть из часов, коли Христова вѣра достала свободу — находиме всягды знак †.

2. В Испаніи в Валладолидѣсталося, что един безбожный человѣк, коли пошов во лѣс дрова рубати, увидѣв одно дерево, которое мало форму креста. Довго позерав на дерево и сказав:

— Таку форму маеш, як знак Христіан, но я и зато тя зрубаю!

И подняв топор свой, чтобы втяти в дерево. Но тогда дерево почало отдаляться от него и вырос из него один крест, на котором один человѣк быв розпятий.

Наш безбожник упал на колѣна и став умоляти розпятого Христа.

Позднѣйше на том мѣстѣ выбудовали прекрасну церковь.

3. Из исторіи церкви знаєме, что Константин Великий перед битвою против Максенція, р. 311. на небѣ увидѣв знак креста, з словами: „В том побѣдиш“, и тогда дав зготувити прапоры з знаками креста и войско его так одважно боролося, что рѣшучо побѣдило и сесим и обезпечена была свобода вѣры Христової.

Св. Венедикт всегда поблагословив знаком креста кажду страву, которую ему для юд'яя принесли. Коли раз вороги хотѣли его отровити, в страву замѣшали отрову. Но св. Венедикт по обычаю своему и тогда знаком креста поблагословив страву, на что судина розпалася и страва розолялася по земли.

Св. Єома Аквінскій особливо против искушенїй употребляв знак креста и таким способом доборовся до совершенnoъ невинности.

Св. Августин оповѣдає един случай о чудесной силѣ знака креста. Жила в Картагинѣ одна побожна жона, которая тяжко похворѣла на хвороту рака. Лѣкарь заявив, что хвору часть мусить вырѣзати. Жона дуже боялася од операціи и горячо молилася о помоч Бога. И Бог послухав просьбу єї. Во снѣ узнала, что мас попросити першу жону, которая прийме св. крещеніе, чтобы хвору часть тѣла означила св. Крестом. То и сталося и рана сейчас загоилася.

Премного чудес сталося и стаєся силою св. Креста.

В бѣдах и скорбех, в испытаніях и искушеніях, в опасностях и всѣх важных дѣлах поднесѣм руку нашу к чолу и зробѣм над собою знак креста, ибо по словам св. Кирилла: Як пес боиться од прута, которым набили го, так и діявол боиться од знака креста, ибо пригадує собѣ тот крест, которым его Христос побѣдив.

Но знак креста не лиш из вонку робѣм, но носѣм го в сердцах наших, т. е. коли перекрестимеся, подумайме душою и чувством на розпятого Христа

А. В

ІЗ ЖИТЯ СВЯТЫХ

Св. Николай архієпископъ. —
Миръ Ликійскихъ чудотворецъ.

Св. Николай уродився около г. 272. въ городѣ Патарѣ въ Малой Азии. Якъ подросъ, отдали его родителѣ до школы; но окремъ школы вдячно ходивъ малый Николай и до церкви, где ублагороднявъ свой духъ и сердце и уже съ першихъ лѣтъ присвоивъ собѣ всякѣ чесноты.

Коли св. Николай прійшовъ до своихъ лѣтъ и присвоивъ собѣ отвѣтнѣ вѣдомости и науки, епископъ высвятивъ его на священника, при которой случайности предсказавъ о немъ Владыка, что „всходить сонце и велика потѣха свѣта, а счастлива буде tota громада, которой онъ достанеся за душастыря“. Якъ священикъ старався св. Николай о всѣ чесноты, которѣ укра-

шають чоловѣка и приближаютъ до Бога. Житя его было невинное, мысли чистѣ, рука милосердна. Молитва, постъ и читаніе св. Письма были его возлюбленнымъ занятіемъ. Однимъ словомъ бывъ онъ ангелъ въ людскомъ тѣлѣ.

Въ тыхъ часахъ живъ въ Патерѣ оден — колись богатый,



потомъ дуже збѣднѣвшій чоловѣкъ. У него были три дорослѣ дочки. Въ соей великой бѣдѣ задумавъ несчастливый отецъ пустити всѣ три дѣвки свої на розпусту, чтобы такимъ способомъ ратовати себе и свою родину отъ голодової смерти. Св. Николай довѣдавши ся о томъ, тихцемъ въ ночи вергъ кроzy

отворенное окно тому чоловѣкови только грошей, сколько ему потребно было выжити якійсь чась и мати чимъ хоть одну доньку отдати. Увидѣвши рано счастливый отецъ, не зная изъ радости что робити и пригадавши собѣ о своихъ нечестивыхъ намѣреніяхъ, каявся щиро видячи, что Господь милосердныи не опускае его. Сie благородное дѣло повторивъ св. Николай еще два разы, доки всѣ три доньки худобного чоловѣка не отдалися. Коли се уже третій разъ случилося, утямишъ св. Николая обдарований чоловѣкъ, догнавъ его и упавши ему до ногъ съ слезами въ очахъ дяковавъ за оказанну ему доброту. Св. Николай просивъ его, чтобы не казавъ никому, что съ нимъ зробивъ; но всчастливленный чоловѣкъ не могъ здерожовати ся, чтобы милосердныи сей учинокъ св. Николая не разповѣдавъ каждому въ городѣ. И такъ загомонѣла скоро по цѣлой окресности слава о милосердїю св. Николая и где лиш показавъ ся св. Николай, всягды величали и славили его.

Коли одnymъ разомъ св. Николай пустивъ ся въ дорогу до Іерусалима, чтобы тамъ поклонити ся св. мѣстамъ, на морю повстала велика буря, такъ что подорожники мало, что всѣ не затопили ся. Коли люде увидѣли, что може ними находить ся оден священикъ, почали просити его о щиру молитву. Св. Николай помоливъ ся щиро, на что буря усталла, а море успокоило ся. Еще въ самой той дорозѣ случило ся, что оден изъ корабельниковъ, коли одного разу прикрѣплявъ вѣтрила, упавъ на покладъ корабля и забивъ ся на смерть. Св. Николай зобачивше се приступивъ до умерця, довго моливъ ся и корабельникъ поднесся и оживъ. Коли приплыли до Александріи, зараз разповѣдали подорожники, якимъ чудомъ выратовавъ ихъ всѣхъ св. Николай и якъ воскресивъ убитого на смерть. Народъ учувши то, почавъ заразъ збѣгати ся до св. Николая приносячи съ собою слабыхъ, калѣкъ и слѣпихъ, которыхъ всѣхъ оздоровивъ св. Николай своими молитвами.

Многими такими и иншими чудесами было украшенное житя св. Николая. Богъ небесный выразными знаками указавъ, якъ ему милое милосердїе сердце чоловѣка и достойное на неумераючу славу святое житя людское. Св. Николай обдарованъ бывъ и глубокою старостею. Умеръ 6-го дециембра г. 342. съ словами: „Въ руки твоѣ, о Боже передаю духа моего.“ Св. тѣло его похоронили вѣрники въ городѣ Мирахъ, оттамъ г. 1096. перенесено до мѣста Баръ, въ Италію. Праздникъ „перепесенія мощей св. Николая“ установивъ тогдашній римскій отецъ Урбанъ II.

Давайте „Благовѣстник“ из рук до рук. На концѣ года всѣх 24 примѣрниковъ понесуть у переплетню, чтобы съте мали кождого року одну цѣлу книжку, во которой такъ вы, як вашѣ дѣти и внукы найдуть оборону своєї вѣри. Соберайте предплатников! Каждий християнин, кто любить свою вѣру, повинен предулатити и читати щиру, руську христіянску газету „Благовѣстник“.



Церковь побѣдоносна.

Въ святомъ Письмѣ читаеме, что давно, еще передъ сотворенiemъ, одна часть ангеловъ одорвала ся и збунтовала ся противъ Бога и выповѣла: „Не хочеме дале Богу служити“. На се починала ся война меже добрыми и злыми ангелами, въ которой добрѣ ангелы подъ проводомъ св. Михаила побѣдили злыхъ ангеловъ, которыхъ потомъ Богъ трутывъ въ пекло. Но діаволы не успокоили ся въ сie пораженіe: перенесли борьбу изъ неба на землю и туй дальше продовжаютъ. Мають людей на земли, котрѣ таکожъ одорвали ся отъ Бога, котрѣ таکожъ згордилися противъ Бога и кричатъ: „Не хочеме мы Богу и Божимъ приказамъ дальше служити!“ И теперь на двѣ части суть роздѣленѣ люде, такѣ, котрѣ з Богомъ держать, а такѣ, котрѣ противъ него воюють.

Знаеме изъ исторіи, або изъ не давно минувшой войны, что на оборону отечества звикили на границяхъ крѣпкѣ замки, твердынѣ, крѣпости будовати, въ которыхъ находить ся муницiя и крѣпко озброеное войско. Доки сеся твердыня стоить, доти непрѣятель не вломить ся въ отечество, доти жительовъ не спустошить дика, иностранна товпа.

Нашъ дорогiй Спаситель, котрый веде теперь борьбу противъ діаволовъ, и обороняе нимъ принесенну Божку христiянску вѣру таکожъ заосновавъ одень такiй крѣпкiй замокъ, чтобы непрiятель дiяволъ не могъ побѣдити весь родъ людскiй, а чтобы Богъ небесный не утративъ борьбу туй на земли.

Сей крѣпкiй, неодолимый замокъ, котрый "обороняе Христову вѣру противъ нападенiй дiяволскихъ есть едина, свята, соборна и апостолска Церковь. Еѣ самъ Христосъ основавъ и чтобы она твердо и крѣпко стояла збудовавъ еї на твердой скалѣ; такъ говоривъ до св. Петра: „Ты еси Пётръ и на сеmъ камени, (скalѣ) созиждё (збуджу) церковъ мою“ и пообѣцавъ, что „врата адова (пекельнѣ силы) не одолїють еї“.

Наємники діявола головно противъ сей Церкви, противъ сего замку христіянской вѣры лютять ся найгорше и всѣми силами спробують знищити го. Начимъ ступила христіянска вѣра въ свѣтъ, могучъ римскѣ императоры вытягли всой мечъ и черезъ 300 роковъ рубали, сѣкли Христову Цевковъ, милліонъ и милліоновъ изъ хороброго войска, изъ сторожовъ сего замка убили, но еї звалити, еї заняти не могли, бо она была збудована на твердой скалѣ, на св. Петрѣ и Христосъ пообѣцавъ, что навѣть и всѣ пекельнѣ силы не можуть еї перемогти.

Коли потомъ діяволъ сякимъ способомъ не досягъ своеї цѣли, попробовавъ росколы, рвенія, схизмы розсѣяти меже сторожами Церкви. Были многѣ, котрѣ одпали отъ Церкви и симъ отъ Христової вѣры; сякѣ были давно аріяны, монофизиты, иконоборцы и т. д. Но епископы — котрѣ были капитанами сего замку въ сихъ часахъ часто сходили ся на собранія на т. зв. соборы и точно опредѣлили вѣру христіянску, выдавали новѣ розказы и отлучили отъ Церкви тыхъ, котрѣ не держали ся до ученія Христа и хотѣли розбити единство Хр-ой Церкви. Такъ отпала отъ Христової церкви и тата часть восточныхъ христіян, котра ишла за гордыми патріархами Фотиемъ и Керуларіомъ въ схизму, въ росколъ. Но Христова церковь стояла нерушимо, твердо, бо будована была на твердой скалѣ св. Петра, кто хотя умеръ въ Римѣ, но его власть переишла на его наслѣдниковъ, римскихъ отцовъ. Но діяволы еще все новѣ напады дѣлають все новихъ людей наганяють противъ сего на скалѣ будованого замку. Въ середномъ вѣцѣ и ажъ до нынѣшнього дня попробовалиabo насиливомъ, abo ложными ученіями, abo хитростю, abo политикою знищiti еї, но всѣ змаганя діявола указали ся безуспѣшными, бо она и днесъ стоить побѣдною и не подалася неприятелямъ, бо и теперь стоить на св. Петрѣ и успѣшно воює съ пекельними силами.

Передъ 1500 роками въ одній константинопольской церкви правѣ о томъ предметѣ говоривъ одень священикъ, о котромъ говорить ся и туй, теперь въ XX. омъ столѣтію, коли електрикою свѣтять, коли съ автами ходять и коли навѣть въ воздухъ годнѣ лѣтати люде на машинахъ. Онъ такъ говоривъ:

„О чоловѣче! Ты воюешь, боришь ся съ одnymъ другимъ чоловѣкомъ? Такъ твоя побѣда сумнѣва; но если съ Церковю воюешь, твоя побѣда просто неможлива. Бо знаешь что казавъ Спаситель: „Ты єси Пётръ и на семъ камени созиждь Церковъ мою и врата адова не одолїуть ей.“ И знаешь что еще казавъ Спаситель: „Небо и земля мимонѣдуть, но слова моя не можуть ми нѣсти сѧ.“ Не вѣруешь словамъ, вѣруй фактамъ. Сколько тиранновъ вытягли противъ неї мечъ свою, сколько звѣрей наганяли противъ неї. А де ся дѣли сесѣи вороги еї; хиба зла память ихъ жіе, а Церковь Христова сіяє красще якъ сонце. Если — каже еще сей бесѣдникъ — не могли еї здушити, когда она по числу мала была, якъ бы могли теперь еї знищити. коли съ христіянами заселенѣ всѣ просторы свѣта.“ Такъ говоривъ св. Іоанъ Золотоустий въ V-омъ столѣтю; а

если онъ се могъ передъ 1500 роками казати и гордити ся, что Хр. Церковь только много выдержала и побѣдила такъ много вороговъ — тогды коли христіянство только въ полудневыхъ краяхъ Европы была розпространена — якъ бысме мы не мали гордъ быти на сей крѣпкій замокъ Христової вѣры, днесъ, коли она уже 2000 роковъ стоить, а має майже 300 милліоновъ членовъ.

Однакожъ діаволь и днесъ не спить. Тетерь у насъ на Подк. Руси воздвигнувъ борьбу противъ сей скалы Христової и туй, где думае, что слабшій е муръ сей Церкви, туй хоче насилою вломитися. Но не впадьме въ отчаяніе. Въ войнѣ непріятель туй-тамъ може достигнути меншъ большъ успѣхи — по окончательно побѣда має быти Христова. Въ войнѣ сторожи часто стануть пораненими, много терпять, найдутъ ся и зрадники, продателі; якѣсь и житя свое жертвують въ оборонѣ вѣры, но побѣдити діяволъ не може, бо онъ воює противъ той Церкви, котра основана на св. Петрѣ и котрой обѣцяно, что „вратата адова не одолѣють ей.“ Многъ изъ читательовъ Благовѣстника на першомъ фронтѣ воюють и указують ся добрыми сторожами Церкви Христової, не напудять ся отъ непріятельовъ, терплять, воюють, раны доставаютъ, но выдержуть, бо мають крѣпкое довѣріе до словъ Христовыхъ и знаютъ, что защищаютъ туту Церковь, котру Христосъ основавъ па твердомъ камени и что діяволъ не може еї заняти. Не бойтесьнич; за самоту Церковь мучили и мордовали исповѣдниковъ, за саму туту вѣру умеръ и Христосъ на крестѣ. И яку нагороду они достали, сама така чекае и на васъ въ вѣчномъ животѣ.

Вѣра наша учить, что Христова Церковь дѣлить ся на три части. Туй на земли воююча, въ мытарствѣ страдаюча, а въ небѣ побѣдоносна. Наша цѣль зайти въ сесю побѣдоносну Церковь. Но мы лишь тогды станеме достойными зайти въ радость побѣдоносный Церкви, если туй на земли виедно съ Христомъ Спасителемъ острю борьбу боролисме и не стали зрадниками той вселенской Церкви, котра есть оспованна на твердомъ камени св. Петра.

„Миссійна подорож“ biskupa Венямина на Маковицѣ.

Дня 20-го новембра 1923. прїехавъ съ своимъ штабомъ якійсь Беняминъ до *Вышнього Свидника* и ту ступивъ въ домъ сенатора Лажа. Повѣдають о томъ Беняминъ, что онъ е епископъ кривоправославный; но бесѣда его, яку онъ проголосивъ въ Ладомирової, явить его яко субботника. — Пришовъ на Маковицу розширявати блудъ кривославія або субботництва; нову вѣру безвѣрія, царство діавола, котрого ключаръ есть сенаторъ Лажо, а головою не знати кто есть: ци Беняминъ, ци Савватій, ци Фарскій, Павликъ, або може Варга, Шкурля Фацакъ — або може ладомировскій онучаръ. И не чудо, что до такого царства небарзъ люде понагляются.

Беняминъ у Свиднику хотѣвъ быти вербункошъ кривославія и у великой салѣ корчмы, гдѣ паробки танцовать звыкли тримавъ *параклісъ*. Пришли тамъ около 20 цѣкавыхъ людей, а коли по проголошеннй бесѣдѣ Беняминъ просився ци его порозумѣли то одновѣли ему всѣ, же „нье“ и всѣ вышли изъ салы, такъ что не было кому далей кончити. Сенатора Лажа майже не поразило отъ злости, — бо онъ бывъ успорадитель цѣлой комедіи — лемъ такъ ся спасть, что приблукавъ тамъ изъ Ладомировой бальвиръ (чоловѣкъ, який знає кровъ пущати) и спустивъ съ него злобу. — Такъ указали вѣрники парохіи Свидницкой, что они не потребуютъ отъ вѣры и церкви Христової лѣпшу вѣру и церковь, найменше таку вѣру нѣтъ, яку голосять у корчмахъ, бо І. Христосъ всяди проповѣдавъ, але у корчмахъ нигда. Другій день 21-го на празникъ Михаила, Беняминъ у Ладомировой мавъ отправу на цвиштаръ кривославымъ. Не знали яка то отправа была, бо служба не могла быти, понеже не было тамъ „*пріймите, ждите*“; — но ляли въ чашу теплу воду и дробили въ нюхлѣбъ и такъ снѣдали, — а Беняминъ изъ окрушенокъ хлѣба охабивъ па бородѣ на оловрантъ. На той отправѣ еще и ихъ овцы (блуднѣ наши) соблазнилися, най лѣпше когда одинъ изъ нихъ, именемъ *Varga*, рецитовавъ „Вѣную“ и исповѣдовавъ происхожденіе Духа святаго отъ Отца и Сына, то прискочивъ къ нему архимандритъ батюшка Максименько Виталионъ и крикнувъ, что Духъ святый лемъ отъ Отца происходит, — онъ Сынови не дастъ мѣста у крузѣ найсв. Тройцы. — А проголосивъ Беняминъ проповѣдь, — въ котрой и то заявивъ, что не пѣдѣлю, но субботу будуть святковати. Та если такъ, то не потребно до Ладомировой и Медведжого батюшку, есть тамъ рабинъ и ризникъ, они всю окончатъ. Така то мѣшанина нова вѣра безвѣрія. Але Господь хранить своихъ, ибо якъ разъ далей познаваютъ что така вѣра, — котра такъ знеуважає пайсвятійшѣ дѣла, яка служба Божа и правды вѣчнѣ, яка есть происхожденіе Духа святаго отъ Отца и Сына, и пренепорочное зачатіе пречистой Дѣви Маріи, — не може провадити только до вѣчной пропasti пекелной.

И такъ Беняминъ можно сказать съ наибольшою неудачою опустивъ Маковицу. Такъ могъ онъ видѣти, что на Маковицѣ у людей есть жива вѣра и совѣсть, а не така яка у него котра спить а не годна ся пробудити.

Притомный гр. кає православный
а не кривославный.

НОВОСТИ.

Выименованя. Правительство Епархіи назначило о. Стефана Андрашкова приходником до Копиновец; о. Антонія Гаврилла новопосвящ ерея приходником до Лази (Мал. Раковец); о. Стефана Фесторія новопосвящ ерея приходником до Березника.

Шизматицка ложь. Яка вѣра, с такими средствами и дѣйствуете. Шизма, або кривославіе то не інше, як душевна слѣпota; мрачнѣ та же и способы, с которыми розширяється. Шизматицкѣ агитаторы повсюду ширят туго безочливу брехню, что в православну гр. каѳ. Церковь с нова заведеся григоріянскій календарь. Казали раз, что от 1-го октября, а теперь переложили термин на новый рок.

Правительство гр. каѳ. Епархії Мукачевской в Ужгородѣ и сим путем напоминае своих правдивых и тверезных вѣрников, чтобы подобным шизматицким хитрым брехням николи не вѣрили!

Окtober уже минувся, минеся и новый рок, но шизматицка ложь и брехня позостанеся на всегда брехнею!

Варуйтесь от шизматицкой хитрости!

— **Нагла смерт.** Ирина Долинайова вдова *Nik. Иванчова* гр. каѳ. священика и матери Вас. Иванчова американского духовника 3-о дециембра в Ужгородѣ нагло умерла.

— **Войскова служба клериков.** В нашей републицѣ послѣ найновѣйших законов и богословы мають служити в войску. Но только за 6 мѣсяцов

— **Короткѣ вѣсти.** Народное згромадженіе Грецкой державы усунуло из царского престола короля Георгія II-го и проголосило республику. — Знаменитый ческій писатель, рим. каѳ. священик Карел Достал Лутимов умер. — Газета *Lidove Listy* сообщае туго вѣсть, что в церковных кругах приготовляється проголошеніе благословенным первым гр. каѳ. епископа Мукачевского, *Василія Тарасовича*. В Россіи наступило уживаня нового календаря на основѣ розпорядженія церковного собора из дня 24. IX. 1923. с днем 1-го новембра. — Римскій отец подвысшив епископство в Рѣзѣ на архіепископство, як ото было от 12-го столѣтія доки россіяне не зрушили.

— **Всѣм на увагу.** Администрація нашей газеты находится от 1-го дециембра Духновичова ул. ч. 12; просиме всякѣ администраційнѣ справы (рекламація, предплата и т. д.) посылати на сесю нову адрессу. Редакція осталася на старом мѣстѣ Капт. ул. ч. 3. — Кто еще не заплатив за Благовѣстник най спѣшил с заплатою: никто не може пожадати от нас, чтобы мы окрем наших великих трудов и друкарскѣ выдатки самѣ заплатили. Всѣ маєме причинити ся до Божого дѣла: кто с роботою, кто с грошми. Выдержати и побѣдити мусиме!

и то лиш в шпиталах, як санитець. Котрый клерик от ассентирки рапуючи под 4-ма роками не есть посвященный, должен як простый вояк дальше служити.

— **Новый константинопольский патріарх.** „Святѣйшій“ синод выбрав за патріарха, кальдонского метрополита *Грегорія*.

Содержаніе рочника 1923.

Ведучъ статъ.

	Стор.
Рождество Іисуса Христа	1
Наш опаснѣйший ворог	17
Чого жадає „Благовѣстникъ“ въ новомъ роцѣ ?	33
Христіянским родичам	49
Як нам заохотитися до духовного житя ?	65
Любѣм правду !	81
Свѣтлый великдень	97
Свято Духновича	117
Сила Христового свѣтогляда	134
Роздор правосл.-каѳол вѣры	149
Сошествіе св. Духа	165
О христіянской прессѣ	181
Не забудьме !	197
Темна будучность	221
Папа Пій X. перед канонизацією	225
Обратно к Христу	261
Выборы	277
Христіянска политика	293
Горѣ имъем сердца !	309
Память св. священномуученика Іосафата	325
Новый губернатор	341
Восточна и вселенска Церковь	357

Вѣра.

О происхожденіи св. Духа	19
Ученіе о чистилищѣ	51
О непорочном зачатіи Пресв. Дѣви Марії	83, 152
Непомильность Церкви и римского Отца	223
Что то отпусти ?	263
Церковь побѣдоносна	364

В защитѣ вѣры.

Ци була колись женщина папою ?	5
Духовенство и „Карп.-руссій Вѣстник“	6
Любити ци ненавидѣти Рим ?	35
Упадок шизм. движенія в Америцѣ	37
Ци можливѣ суть чудеса ?	36
Плоды православія	68
Субботники	67
Роздор в „чехосл. народной“ церкви	101
Конецъ фиглям	102
О шизматицкой церкви в Українѣ	103
Шизматицка чеснота	103
Батюшка Малинич	186
Отдавайте словам ихъ значеніе	187

	Стор.
Множаться батюшки, як грибы в лѣсѣ	198
Урядовое розпоряженіе	199
Якое единство вѣры и яка наука в шизм. церкви ?	200
Попала менѣ до рук	231
Дачто о бородѣ и о довгом волосю	248
Способ креїценія	249
Читайте шизматицку „правду“ !	282
Новѣ ческѣ бискупы для „православных“	283
„Православіе“ продають .. что деаш ?	284
Новѣ святѣ, або кто губить вѣру ?	284
Розрѣшеніе шизматиков	285
Як проповѣдає батюшка вѣру в Горбках ?	280
„Прага-Смѣхов“	315
Яку проповѣдь говорив батюшка	311

Из истории Церкви.

Св. Петро в Христовой Церкви	53
Римскѣ отцы в первых столѣтіях	154
Аріанізм и I. всел. собор	203
Причины восточного розкола	232
Фотій и Керуларій	295
Змаганя соєдиненія меже Вост. и всел. Церковію	329
Булгарія и апост. престол	343

Практичный катихиз.

Цѣль человѣка на земли	7
Вѣра, то дар Божій	39
Предмет вѣры	69
Без вѣры не мож угодити Богу	124
Кто сохраняе правдиву вѣру ?	168
О свойствах вѣры	226
Что ослабляе нашу вѣру ?	278
О силѣ знака св. Креста	360

Бесѣда.

Наверненіе шизматика через св. Причащеніе	23
Православіе, Гелебан и кривецкій куратор	55, 72
Где глядати правду ?	98, 119
Ружѣ Ватиканскѣ	156
Бог не дастъ ругатися над собою	183
Чорное пятно	205
Священик в найбольшой нуждѣ	312
Чудесное наверненіе одной жид. фамиліи	344

Из житя святых.

Св. Поликарп, священомученик	41
Св. сорок мучеников	91

	Стор.
Св. Амвросій и кесарь Феодозій	170
Св. верховный апостол Петро	201
Св. Николай чудотворець	361

Дописи.

Стор. 25, 58, 76, 237, 288, 289, 351.

Література.

Стор. 27, 59, 93, 108, 177, 239, 322.

Всячина.

Благое время и злое время	71
Розбойник	72
Св. сповѣдь	107
Да дѣтина моя, будь священиком !	140
Понайперше гр.-каѳолик	141
Я лишень служниця	142
Что може зробити молитва доброй матери ?	159
Лѣсовый пташок	160
Свѣтильники любви	235
Позор на церковнѣ школы !	236
Двѣ чесноты в раѣ комунистов	236
Осторога перед выборами	270
Палець Божій	271
„Православный“ крест	271

Из шизматицкого раю.

Оден ревный гр. каѳ.	172
Христіянскій героизм	268
Де е чаша ? Батюшка украв	269
Из финансa-батюшка	270
Плоды кривославія	333
Церковник учить батюшку	334
„Собор“ батюшок	336

Борьба за церковь.

Копашньово	5, 44, 129
Бедевля	86
Буштина	87
Великѣ-Лучки	14, 87
Торуня	129
Ракошин	237

Иншѣ статѣ.

Миссійна подорож еп. Антонія	315, 347
Миссійна подорож еп. Діонізія	9, 21, 42, 126, 280, 301
Св. сповѣдь источник душевных радостей	89
Святыня на Колчово-Довгом	93

	Стор.
Листы до тебе, брате в Христѣ	104, 135, 188, 209
Вышнѣ-Быстряне !	109
Посланіе одного „православного“ монаха	112
О церквах Американских	138
Орел	174
Где е большенство ?	175
Интересантнѣ пророчества	192, 212, 298
Дим. Кумятскій: Православна правда	227
Брате ! Ци се Христова любовь ?	266
Наша давна вѣра	286
Верховиню, свѣтку ты наш...	317
Лист из Америки	331
Память св. Іосафата	346
Як промовляє одна мати до своєго сына ?	253
Спомини Загребскѣ	320
Великое собраніе в оборонѣ вѣры	350
„Миссійна“ подорож Бискупа Венямина.	366

РЕДАКТОР-ИЗДАТЕЛЬ :
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР .
ЕМИЛІЯН БОКШАЙ.



ГАРМОНИИ

обоих родов

доставляе

RUDOLF PAJKR a Spol.

основано р. 1894.

Hradec Králové (Čechy).

ОРГАНЫ

всѣх родов
и размѣров

будуе и поправляе

Mstr. Vaclav Weiss varhonář
ve ZBUZANEK, p. Reporyje u PRAHY.

Бывшій д. вголѣтный управлятель фирмы J. SCHIFF-
NER. Будуе и поправлюе по цѣлой республицѣ.

В КНИГОПЕЧАТЬ „УНІО“

можеть отримати слѣдуючі книги:

	Кч
1. Азбука Волошина	7.—
2. Читанка „ II. кл.	6·50
3. Аритметика Волошина I—II. кл. 2 кор., III. кл. 2 кор. IV. кл.	2·60
4. Методическая грамматика Волошина	5.—
5. Географія М. Григашія по русски и по мадярски	5.—
6. Малый катехизм	1·20
7. Средний „	3.—
8. Великій „	5.—
9. Мала біблія	3.—
10. Середна біблія	10.—
11. Наша правда в вѣрѣ от д-ра Ю. Гаджеги...	2.—
12. Прочто праздновати недѣлю а не субботу от д-ра Ю. Гаджеги	3.—
13. Библейские вопросы с точки зренія восточ- ныхъ церквей	3.—
14. Вѣнецъ, стихотв. Павловича	18·60
15. Великій Зборник }	40.—
16. Середный „ } и с латиницею	24.—
17. Малый „ }	15.—
18. Ангел Господенъ }	6.—
19. Марія Повчанскій Паломник...	16.—
20. Пѣсемникъ, от директора промысловыхъ школ Ф. И. Шпалы	12.—
21. Рисованіе для дѣтей с русскимъ текстом ...	6.—
22. Рисованіе для дѣтей съ чешскимъ текстом ...	4.—
23. Рисованіе геометричное	15.—
24. Ручна праця в школѣ с чешскимъ или ма- дярскимъ текстом	16·50

В том состояніи есмо, что всѣмъ заказующимъ через
48 годин можемъ почтовно провадити.

Мальованя церквей

театральных декораций,
святых образов и прч.
крестнѣ дороги, золо-
чения олтаров и фигур

замовляйте лем
у христіанской
 фирмѣ

„Colora“

komand. spol., umelec. zavod maliarsky
Centrala v Žiline (Slov.). Tel. 183.

Рисунки, планы, разрахунки даром.


Дуже тунѣ цѣны.

Дешёвое чешское пѣрь

1 kg. доброго сѣдого	18 — Кч.
1 kg. повѣтлого.....	22 — Кч.
1 kg. бѣлого	32 — Кч.
1 kg. вайльпшого пуху	40, 50, 65 Кч.
1 kg. найльша сорта	80 — Кч.
Готовѣ перины 160, 200, 235, 280 Кч.	
Подушки.. 48, 65, 80, 95 и 110 — Кч.	
Высылаю оплачено за послѣплатою.	
Взорки даром.	

Benedikt Sachsel
Lobzy 212 u Plzně :: Čechy.

ZVONARSTVÍ



OKTAV WINTER Broumov ČSR.